

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De Sibylla Erythraea, quae in fatidicorum carminum suorum acrostichide,  
hoc est, primis cuiusque carminis elementis, Christi paßionem exprimit,  
est autem acrostichis, Iesus Christus Dei filius ...

**urn:nbn:de:hbz:466:1-29861**

## CONSTANTINI ORATIO

esse, apud principem calumniari, eiq; persuadere cœperunt, vt idem ille, qui in commune Persis tot tantorumque bonorum author fuisset, feris leonibus pro pastu obijciendus condemnaretur. Quare Daniel non ad interitum condemnatus, sed ad perpetuam famæ ac nominis sui celebritatem in lacum conclusus fuit: qui cum inter medias bestias versaretur, eas leniores mansuetioresq;, quām qui illum ibi cōclusissent, comperit. Nam omnes illas natura sua rabidas precatione quæ mansuetudini & modestiæ suæ subsidio fuit, cicures ac mites effecit. De quibus cum Cambyses certior factus esset (non enim poterat fieri, vt tanta tamque diuinæ virtutis præclare res geitæ in obscuro laterent) eorum quæ nunciabantur, sicut admiratione plane obstupuit, ita eum pœnituit, maleuolis magorum calumniis tam facile persuasum. Veruntamen illud spectaculum ipse suis oculis conspicari voluit: qui cum virum, utraque manu cælum versus sublata, Christum laude celebrare, & leones substratos, hominis vestigia quodā modo venerari cerneret: confessim magos qui ipsi persuasissent, eidē addixit supplicio, & in speluncam leonum compegit. Bestiæ autem, quæ paulo ante Danieli blanditæ fuissent, magos adortæ, eos totos, sicut earum natura fert, deuorarunt.

*De Sybilla Erythræa, quæ in fatidicorum carminum suorum acrostichide, hoc est, primis cuiusque carminis elementis, Christi passionem exprimit, est autem acrostichis, Iesus Christus Dei filius seruator crux.*

C A P. X V I I I.

**O**ccurrit etiam in hoc loco ad commemorandum, testimoniū quoddam de Christi diuinitate, ab illis, qui à fide nostra alieni sunt petitum. Nam illi qui ei tam contumeliose obtrectant, si vel suis ipsorum testimoniosis fidem tribuere voluerint, ex iisdem fatis poterūt intelligere, illum & Deum, & Dei filium esse. Sybilla enim Erythræa, quæ se sexta post diluvium ætate fuisse affirmat, Quæq; sacerdos erat Appollinis: corona similiter cum Deo illo, quæ colebat, redimita: quæ etiam tripodem serpentis amplexu circumplicatum, obseruans, iis qui quicquam ab ipsa sciscabantur, respondit se parentum inficitia illi cultui dicatam fuisse,

fluisse, quem cultum nihil in se complecti, quod ad honestatem faceret, sed hominum animos pudore spoliare, non aliter atque historici de Daphne prodiderunt, hec inquam Sybillae quodam tempore intra adyta illa, in quibus tam absurda & plane inepta superstitione usurpari solet, conclusa, & diuina quodam instinctu afflata, versibus ea, quæ erat de Deo futura prædicta, notisq; & ordine primarum literarum quæ *ækροσιχις* dicitur, historiam de Iesu aduentu declarauit. *Cic. in 20  
de divinitate  
ækροσιχις* hæc quidem est, IESVS CHRISTVS DEI nationes FILIVS SERVATOR CRVX. Eius autem carmina infra scripsimus.

Iudicis aduentu magni sudore videbis  
 Emanare solum? Tunc rex æternus ab arce  
 Isydore a præsens carni ius dicet, & orbi  
 Vspectare Deum piæ gens, atque impia possit,  
 Sublimem carne humana sanctaq; cæterua  
 Cinctum, supremoq; homines, qui iudicet ævo,  
 Hæc erit omnis humus vrepres & tristis arena,  
 Rescindent simulachra homines aurumq; repellent  
 Incenditq; audæ terram, mare, sydera, flammæ,  
 Statunt functoruni sub apertum corpora lumen,  
 Tatraq; mens, & sancta illo splendore patebit.  
 Voce latens facinus, quod gescit quisque loquetur,  
 Subdolaq; humani pandentur pectoris antra.  
 Ira mali facies, paucor vndique et vndique luctus:  
 Et iubar involvent solis, stellasq; tenebrae.  
 Iam vaga labetur Phœbe, ruet arduus æther,  
 Errer caput valles, disiectis alpibus, imas  
 Iussit: humanum culmen fastusq; iacebit.  
 Ataq; planities montes æquabit, & altum  
 Intactum rate stabit, & vrent fulmina terras:  
 Vna deficiet, flagrans cum fontibus amnis.  
 S tridula de calot uba fundet lugubre murmur,

## CONSTANTINI ORATIO

S upremumq; orbi canet exitiabile carmen  
E t subito Stygium chaos apparebit hiatu,  
R egnantumq; Dei celebrabit turba tribunal.  
V ndaq; sulphureæ fluet alto ex æthere flammæ,  
A fflabit mortale genus insigne coruscans,  
T rabs sancta in rectis animis optabile robur  
O nnibus una pijs vitæ melioris origo :  
R ursus vesani dolor atque offensio mundi.  
C ollustrans vndis duodeno in fonte fideles.  
R egnabit latè pascens ferrea virga  
V nus & æternus Deus hic seruator & idem,  
X bristus pro nobis passus quem carmina signant.

Atque ista in virginis animum diuinitus plane illabebat  
tur ad prædicendū. Eam igitur ego Beatā puto, quam Serua-  
tor vatem, ad diuinandū de sua in nos prouidentia, delegi.

Quòd vaticinatio de Christo, à nullo illorum qui in ec-  
clesiasticorum numero censemur, conficta sit, sed Ery-  
thræ & Sibyllæ reuera existat, cuius libros Cicero ante  
aduentum Christi, in Romanam linguam conuertit,  
cuius etiam Virgilius meminit, et partus virginis, sub  
enigmate arcanisq; verbis propter principum metum,  
mysterium celebrans. C A P. XIX.

V Erum multi sunt, qui nullam fidem ei adiungunt, idq;  
cùm fateantur, Sybillam vatem Erythræam extitisse :  
Imo verò suspicantur nostræ religionis professorem,  
poeticæ non ignarum, ista carmina contexuisse, falsoq; in-  
scripta esse, & inter Sibyllæ oracula numerata: quæ sane sen-  
tentias perquam utiles, cù ad nimiam voluptum licentiam  
circuncidendam, tum ad adytum recta ad temperantem,  
modestamq; vitam perducentem, aperiendum continent.  
Verum de huius rei veritate satis constat: quippe nostri ho-  
mines, tempora adeo accurate & magno studio collegerūt,  
vt nemo possit suspicari, hoc poema post Christi in terias  
descensum editum fuisse, atq; illi propterea mendacij per-  
spicue conuincuntur, qui ista carmina non olim à Sybilla  
condita esse prædicant. Perspicuum enim est Ciceronem,  
istud